



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XXXIII. An soli Perfecti sint in Ecclesia?

urn:nbn:de:hbz:466:1-35233

num, Patriarcham Occidentis: minime verò Caput totius Ecclesie. Huc vtuntur auctoritate orthodoxorum anteponentium Concilium Papæ.

AVTOR. I. Papa Caput est & singularum omnium, & vniuersæ Ecclesie: à Christo immediate constitutus. 1. Sic Scriptura. Matth. 16. *Tu es Petrus. &c.* Ioann. vlt. *Pasc oves. &c.* 2. Sic Concilia. Et Chalcedonense, omnium maximum in epistola talem agnoscit Leonem. Et Constantiense damnauit negantem id Hussium.

3. Ratio euincit. 1. Papa est vnum Caput; ergo vnius Corporis: at singulæ Ecclesie seorsim non sunt vnum Corpus: ergo Papa est Caput vniuersæ Ecclesie. 2. Papa est immediatus Vicarius Christi: nam in Constantiensi Concilio Sess. 8 damnatur Wicleff id negans: ergo ræst Ecclesie visibiliter Papa; cui inuisibiliter Christus præsidet.

II. Summa Potestas Ecclesiastica nõ est in Ecclesia vel Concilio, remoto Papa seu formaliter, siue suppletiuè. 1. *Non formaliter*: quia Ecclesia est Monarchia; iuxta Ps. 2. *Postula à me gentes. &c.* Ego autem constitutus sum Rex ab eo super Sion. Luc. 1. *Regni eius non erit finis.* Et loa 18. *Regnum meum non est de hoc mundo.* Regnum igitur Ecclesie ab vno regitur. 2. *Non suppletiuè*: nam in regnis humanis, vbi potestas Regi datur à populo, eadem est in populo radicaliter & suppletiuè: at in regno Christi, quod est Ecclesia à Christo collecta; iuxta Apoc 5. *Fecisti nos Deo nostro regnum*; potestas est immediate tantum à Christo. Hinc comparatur Ecclesia familiæ, *Matth. 24. H. br. 3.* Et Spontæ, *Eph. 4. 5.* Et Corpori, *Ioan. 10.*

Et Potestas ea Petro data est immediate, non Apostolis: Ergo neque Concilio generali sine Papa.

Vnde Concilia egent confirmatione Papæ; quam & petierunt. Quia ea sine Papa errare possunt etiam in decretis fidei; cum Papa non possunt.

III. Papa simpliciter & absolute est supra totam Ecclesiam, & Concilium; sic, vt in terris nullum supra se iudicium agnoscat. 1. Quia quæ Christo Capiti in Scripturis nomina tribuuntur, conueniunt & Papæ. Vt, *Luc. 12. Pater familias: Pastor, Ioann. 10.* Et *Eph. 4. Caput: Eph. 5. Vt & Spontæ.* 2. Quia sic Concilia contentiunt apud *Bell. l. 2. c. 17.*

IV. Papa etiam nec committere potest supra se iudicium coactiuum; sed solum discretiuum, vt Arbitro, non vt Iudici, cuius parendum sententiæ sit. 1. Quia Potestas Papæ supra omnes est de lure diuino: at in hoc dispensare nequit homo. Hinc iudicium de Papa soli Deo est referuatum, nec alteri committi potest.

VI. DE ECCLESIA.

QVÆSTIO XXXIII.

An soli Perfecti sint in Ecclesia?

ANABAPTISTÆ ait Calvinus *Instit. l. 4. c. 1. §. 2.* volunt cum Pelagianis, solos Perfectos efficere Ecclesiam, omni peccato carentem. 2. CONFESSIO Augustiana *art. 7.* vult, Ecclesiam esse Sanctorum congregationem, qui vere creunt, & obdunt Deo. Et hanc internam esse Ecclesiam: Externam verò esse bonorum & malorum in vna fide & vsu Sacramentorum conuenientiam.

3. CALVINVS *Instit. l. 4. c. 1. §. 2.* docet idem; Simulque solos prædestinatos, id est,

Bb verè

verè credentes esse Ecclesiam.

SVADENT ita. 1. Quia, Cant. 4. *Tota pulchra es Amica mea, & macula non est in te.* 2. Eph. 5. *Vt exhiberet sibi gloriosam Ecclesiam, non habentem maculam.* Vide Genealog. part. 2. q. 6.

AVTOR. Concilium Mileuitanum iam olim, contra Pelagianismum istum definiuit, iustos humiliter & varaciter dicere: *Dimitte nobis debita nostra.* Ambr. Serm. 16. in Psa 118. *Non potest hoc iustus negare; quia nemo sine peccato est.* S. Aug. l. de Sp. & lit. c. vlt. docet posse hominè, ex priuilegio Dei, viuere sine omni peccato, re ipsa tamen esse neminem, præter Christum, & l. de Nat. & grat. c. 36. B. V. Mariam. Idem l. 1. contra Pelag. & S. Greg. l. 21. Mor. c. 9. *Baptizati sunt sine crimine; sine peccato autem in hac vita neminem dixerim.*

DICO AD I. Id intelligi de anima iusti, carente mortalibus. Sic Aug. lib. de perfectione. Sic, Gen. 6. *Noë vir iustus fuit atque perfectus.* Phil. 3. *Quicumque perfecti sumus, hoc sentiamus.* Eph. 1. *Electi nos in ipso, ut essemus sancti & immaculati, sc. ab perpetua morte.* 2. Intelligitur de potiore parte Ecclesiæ iusta; vnde fit denominatio.

Sic etiam AD II. Dico, cum Concilio Toletano, Chryf. Hieron. Theophylasto. Vel cum Aug. & Bern. talem fore Ecclesiam post resurrectionem.

QVÆSTIO XXXIV.

An sint in Ecclesia grandes etiam peccatores & manifesti?

CONFESSIONISTÆ, licet damnent Pelagianos Ecclesiam ex solis iustis constare; Item Nouatianos & Donatistas, desinere solos

esse in Ecclesia circa fidem lapsos; Volunt nihilominus tria: 1. Nullum esse Veniale peccatum ex natura sua; sed omnia ex se mortalia.

LUTHERVS in ass. rt. art. 31. Melancthon in Locis. CALVINVS Inst. l. 2. c. 8. §. 11.

II. CONFESSIO AVGVST. art. 7. *Ecclesiam esse Sanctorum Congregationem, qui Verè creantur, & credunt Deo.* Apologia Philippi: *Peccatores non pertinere ad Ecclesiam, nisi nomina.* Istud Pelagianum est. Finguntque duplicem Ecclesiam, Internam sanctorum, & Inuisibilem, nisi oculis fidei: Externam, de nomine solo Ecclesiam conuenientium bonorum ac malorum in doctrina fidei, & vsu Sacramentorum. BRENTIUS malos esse in Ecclesia, sed non de Ecclesia. Sic &

LUTHERVS lib. de Conciliis, esse eam Sanctarum, id est, omni peccato carentium, etiam laicis, qui iniustos faciunt, quia sunt mortalia.

III. Confessio. istæ art. 6. & 20. Lutherus art. 32. *Omnia opera hominis, etiam iustificata, sunt peccata mortalia; non tamen imputantur, si ad fidem & Nouatianis & Donatistæ solos fide lapsos excludunt ex Ecclesia Fidelium.*

SVADENT istis. I. Isa. 52. *Non adiciet vltra, ut pertransit per te circumcisi sui & immundus.* Ibidem. *Recedite, exite, pollutum nolite tangere.* Et, 2. Cor. 6. *recipiam vos.* Quis enim participatio iustitia cum iniquitate? Ego prius fiat separatio, quam receptio. Item I. Cor. 10. *Unus panis, & unum Corpus multi panis.* At panis si ex frumento, non è paleis, Rom. 8. *Qui spiritum Christi non habet, non est eius.* At cum uocantur peccatores; ergo non sunt eius membra. II. 1. Ecclesia solum dicitur Sancta: at si & peccatores in ea forent, etiam Scelerata dici deberet. III. S. Cyprian. lib. de Vnit. Eccl. *Non habet Deum Patrem, qui Ecclesiam non habet matrem; & contra; At impio non habent Deum Patrem.* Nam Rom. 8. *Qui filii Dei aguntur, hi sunt filii Dei &c.*

AVTOR. Peccatores quantoscuque dummodò sint Fideles, intra Ecclesiam esse, liquet ex S. Scriptura in libro Antichristo, part. 2. q. 8. Et pluribus in Geneal. par. 2. q. 6.

Adde quod S. Aug. tract. 6. in Ioann. ait: *Nos fatemur, in Ecclesia Catholica & bonos, & malos esse; sed tanquam grana & paleas.* S. Hieron. in dial. contra Luciferianos: *Arca Noë typus Ecclesiæ fuit; ut in illa omnium animalium genera; ita & in hac uniuersarum gentium ac morum hominum.*